

DA INTERNATIONAL PRESS

Peaches fae Australia,
Pears fae Italy,
A skaar a tae fae India,
An greps fae Sicily,
Carrots growen in Texas,
A piece a Cheddar cheese,
Baked beans fae America,
An a tin a Belgian peas.

A jug a jam fae Scotland,
Cocoa fae Africa,
Some fine Canadian honey,
An tinned fysh fae Norawa,
A box a Swedish matches,
Twa Sandwick loff, baith plaen,
Twartree figs fae Turkey,
An a frozen Irish hen.

Butter fae New Zealand,
A bit a Danish pork,
A bag a Dutch tomatoes,
An some pickles fae New York,
Sardines fae Portugal,
Tinned maet fae Argentine,
Sassidges fae Germany,
An some French table wine.

A piece a hug fae Mossbank,
Been fattened up fae Voar,
Plums fae somewye doon in Kent,
An rice fae Singapore,
Treckle fae Jamaica,

An onions growen in Spain,
A pound or twa a showgar
Med fae göd Wast Indian cane.

A jar a Brazilian coffee,
A dizzen a eggs fae Voe,
Pineapple fae Hawaii,
An neeps fae Exnaboe,
Lentils come fae Egypt,
Dates growen in Iran,
A bag a tatties fae da Ness,
An da press door fae Japan.

Rhoda Bulter

Wirds:

a skaar	a little
dizzen	dozen
fysh	fish
greps	grapes
growen	grown
hug	mutton
jug	jar
loff	loaf or loaves
maet	meat
Norawa	Norway
press	cupboard
showgar	sugar
twa	two
twartree	a few
Voar	springtime